

परिशिष्ट

१

वेदणाखेत्तविहाणसुत्ताणि

वेयणखेत्तविहाणे त्ति तत्थ इमाणि तिण्णि अणुओगद्वाराणि णादव्वाणि भवन्ति ।

पदमीमांसा सामित्तं अप्पाबहुए त्ति ।

पदमीमांसाए णाणावरणीयवेयणा खेत्तदो किं उक्कस्सा किमणुक्कस्सा किं जहण्णा किमजहण्णा?

उक्कस्सा वा अणुक्कस्सा वा जहण्णा वा अजहण्णा वा ।

एवं सत्तण्णं कम्माणं ।

सामित्तं दुविहं जहण्णपदे उक्कस्सपदे

सामित्तेण उक्कस्सपदे णाणावरणीयवेयणा खेत्तदो उक्कस्सिया कस्स?

जो मच्छो जोयणसहस्सिओ सयंभुरमणसमुद्दस्स बाहिरिल्लए तडे अच्छिदो ।

वेयणसमुग्घादेण समुहदो ।

कायलेस्सियाए लग्गो ।

पुणरवि मारणंतियसमुग्घादेण समुहदो तिण्णि विग्गहकंडयाणि कादूण ।

से काले अधो समत्तमाए पुढवीए णेरइएसु उप्पज्जहिदि त्ति तस्स णाणावरणीयवेयणा खेत्तदो

उक्कस्सा ।

तव्वदिरित्ता अणुक्कस्सा ।

एवं दंसणावरणीय-मोहणीय-अंतराइयाणं ।

सामित्तेण उक्कस्सपदे वेदणीय-वेदणा खेत्तदो उक्कस्सिया कस्स?

अण्णदरस्स केवलिसस्स केवलिसमुग्घादेण समुहदस्स सब्वलोगं गदस्स तस्स वेदणीयवेदणा

खेत्तदो उक्कस्सा ।

तव्वदिरित्ता अणुक्कस्सा ।

एवमाउव-णामा-गोदाणं

सामित्तेण जहण्णपदे णाणावरणीयवेयणा खेत्तदो जहण्णया कस्स?

अण्णदरस्स सुहुमाणगोदजीवअपज्जत्तयस्स तिसमयआहारयस्स तिसमयतब्भवत्थस्स
जहण्णजोगिस्स सब्वजहण्णियाए सरीरोगाहणाए वट्टमाणस्स तस्स णाणावरणीयवेयणा खेत्तदो

जहण्णा ।

तव्वदिरित्तमजहण्णा ।

एवं सत्तण्णं कम्माणं ।

अप्पाबहुए त्ति । तत्थ इमाणि तिण्णिअणुओगद्वाराणि जहण्णपदे उक्कस्सपदे जहण्णुक्कस्सपदे ।

जहण्णपदे अट्टण्णं पि कम्माणं वेयणाओ तुल्लाओ ।

उक्कस्सपदे णाणावरणीय-दंसणावरणीय-मोहणीय-अंतराइयाणं वेयणाओ खेत्तदो उक्कस्सियाओ

चत्तारि वि तुल्लाओ थोवाओ ।

वेयणीय-आउअ-णामा-गोदवेयणाओ खेत्तदो उक्कस्सियाओ चत्तारि वि तुल्लाओ

असंखेज्जगुणाओ ।

जहण्णुक्कस्सपदेण अट्टण्णं पि कम्माणं वेदणाओ खेत्तदो जहण्णियाओ तुल्लाओ थोवाओ ।

णाणावरणीय-दंसणावरणीय-मोहणीय-अंतराइयवेयणाओ खेत्तदो उक्कस्सियाओ चत्तारि वि

तुल्लाओ असंखेज्जगुणाओ ।

वेयणीय-आउअ-णामा-गोदवेयणाओ खेत्तदो उक्कस्सियाओ चत्तारि वि तुल्लाओ

असंखेज्जगुणाओ ।

एत्तो सब्वजीवेसु ओगाहणमहादंडओ कायव्वो भवदि ।

सब्वत्थोवा सुहुमणिगोदजीवअपज्जत्तयस्स जहण्णिया ओगाहणा ।

सुहुमवाउक्काइयअपज्जत्तयस्स जहण्णिया ओगाहणा असंखेज्जगुणा ।

सुहुमतेउक्काइयअपज्जत्तयस्स जहण्णिया ओगाहणा असंखेज्जगुणा ।

सुहुमआउक्काइयअपज्जत्तयस्स जहण्णिया ओगाहणा असंखेज्जगुणा ।

सुहुमपुढविकाइयलद्धिअपज्जत्तयस्स जहण्णिया ओगाहणा असंखेज्जगुणा ।

बादरवाउक्काइयअपज्जत्तयस्स जहण्णिया ओगाहणा असंखेज्जगुणा ।

बादरतेउक्काइयअपज्जत्तयस्स जहण्णिया ओगाहणा असंखेज्जगुणा ।

बादरआउक्काइयअपज्जत्तयस्स जहण्णिया ओगाहणा असंखेज्जगुणा ।

बादरपुढविकाइयअपज्जत्तयस्स जहण्णिया ओगाहणा असंखेज्जगुणा ।

बादरणिगोदजीवअपज्जत्तयस्स जहण्णिया ओगाहणा असंखेज्जगुणा ।

सुहुमादो सुहुमस्स ओगाहणगुणगारो आवलियाए असंखेज्जदिभागो ।
 सुहुमादो बादरस्स ओगाहणगुणगारो पलिदोवमस्स असंखेज्जदिभागो ।
 बादरादो सुहुमस्स ओगाहणगुणगारो आवलियाए असंखेज्जदिभागो ।
 बादरादो बादरस्स ओगाहणगुणगारो पलिदोवमस्स असंखेज्जदिभागो ।
 बादरादो बादरस्स ओगाहणगुणगारो संखेज्जा समया ।

वेयणकालविहाणसुत्ताणि

वेयणकालविहाणे त्ति । तत्थ इमाणि तिण्णि अणुयोगद्वाराणि णादव्वाणि भवंति ।

पदमीमांसा -- सामित्तमप्पाबहुए त्ति ।

पदमीमांसाए णाणावरणीयवेयणा कालदो किमुक्कस्सा किं जहण्णा किमजहण्णा?

उक्कस्सा वा अणुक्कस्सा वा जहण्णा वा अजहण्णा वा ।

एवं सत्तण्णं कम्माणं ।

सामित्तं दुविहं जहण्णपदे उक्कस्सपदे ।

सामित्तेण उक्कस्सपदे णाणावरणीयवेयणा कालदो उक्कस्सिया कस्स?

अण्णदरस्स पंचिंदियस्स सण्णिस्स मिच्छाइड्ढिस्स सव्वाहि पज्जतीहि पज्जत्तयदस्स

कम्मभूमियस्स अकम्मभूमियस्स वा कम्मभूमिपडिभागस्स वा संखेज्जवासाउअस्स वा

असंखेज्जवासाउअस्स वा वेदस्स वा मणुस्सस्स वा तिरिक्खस्स वा णेरइयस्स वा इत्थिवेदस्स वा

पुरिसवेदस्स वा णउंसयवेदस्स वा जलचरस्स वा थलचरस्स वा खगचरस्स वा सागार-जागार-

सुदोवजोगजुत्तस्स उक्कस्सियाए द्विदीए उक्कस्सद्विदिसंकिलेसे वट्टमाणस्स, अधवा ईसिमज्झि

मपरिणामस्स तस्स णाणावरणीयवेयणा कालदो उक्कस्सा ।

तव्वदिरित्तमणुक्कस्सा ।

एवं छण्णं कम्माणं ।

सामित्तेण उक्कस्सपदे आउअवेयणा कालदो उक्कस्सिया कस्स?

अण्णदरस्स मणुस्सस्स वा पंचिंदियतिरिक्खजोणियस्स वा सण्णिस्स सम्माइड्ढिस्स वा

(मिच्छाइड्ढिस्स वा) सव्वाहि पज्जतीहि पज्जत्तयदस्स कम्मभूमियस्स वा कम्मभूमिपडिभागस्स वा

संखेज्जवासाउअस्स वा इत्थिवेदस्स वा पुरिसवेदस्स वा णउंसयवेदस्स वा जलचरस्स वा

थलचरस्स वा सागार-जागारतप्पाओग्गसंकिलिड्डस्स वा (तप्पाओग्गविसुद्धस्स वा) उक्कस्सियाए
आबाधाए जस्स तं देव-णिरयाउअं पढमसमए बंधंतस्स आउअवेयणा कालदो उक्कस्सा ।

तव्वदिरित्तमणुक्कस्सा ।

सामित्तेण जहण्णपदे णाणावरणीयवेयणा कालदो जहण्णिया कस्स?
अण्णदरस्स चरिमसमयछट्टुमत्थस्स तस्स णाणावरणीयवेयणा कालदो जहण्णा ।

तव्वदिरित्तमजहण्णा ।

एवं दंसणावरणीय-अंतराइयाणं ।

सामित्तेण जहण्णपदे वेयणीयवेयणा कालदो जहण्णिया कस्स?
अण्णदरस्स चरिमसमयभवसिद्धियस्स तस्स वेयणीयवेयणा कालदो जहण्णा ।

तव्वदिरित्तमजहण्णा ।

एवं आउअ-णामा-गोदाणं ।

सामित्तेण जहण्णपदे मोहणीयवेयणा कालदो जहण्णिया कस्स?
अण्णदरस खवगस्स चरिमसमयसकसाइयस्स मोहणीयवेयणा कालदो जहण्णा ।

तव्वदिरित्तमजहण्णा ।

अप्पाबहुए त्ति । तत्थ इमाणि तिण्णिण अणुओगद्वाराणि -- जहण्णपदे उक्कस्सपदे
जहण्णुक्कस्सपदे ।

जहण्णपदेण अट्टण्णं पि कम्माणं वेयणाओ कालदो जहण्णियाओ तुल्लाओ ।

उक्कस्सपदेण सब्वत्थोवा आउअवेयणा कालदो उक्कस्सिया ।

णामागोदवेयणाओ कालदो उक्कस्सियाओ दो वि तुल्लाओ संखेज्जगुणाओ ।

णाणावरणीय-दंसणावरणीय-वेयणीय-अंतराइयवेयणाओ कालदो उक्कस्सियाओ चत्तारि वि
तुल्लाओ विसेसाहियाओ ।

मोहणीयस्स वेयणा कालदो उक्कस्सिया संखेज्जगुणा ।

जहण्णुक्कस्सपदे अट्टण्णं पि कम्माणं वेयणाओ कालदो जहण्णियाओ तुल्लाओ थोवाओ ।

आउअवेयणा कालदो उक्कस्सिया असंखेज्जगुणा ।

णामा-गोदवेयणाओ कालदो उक्कस्सियाओ दो वि तुल्लाओ असंखेज्जगुणाओ ।

णाणावरणीय-दंसणावरणीय-वेयणीय-अंतराइयवेयणाओ कालदो उक्कस्सियाओ चत्तारि वि
तुल्लाओ विसेसाहियाओ ।

मोहणीयवेयणा कालदो उक्कस्सिया संखेज्जगुणा ।

(१ चूलिया)

एत्तो मूलपयडिद्विदिबंधे पुव्वं गमणिज्जे तत्थ इमाणि चत्तारि अणुयोगद्वाराणि - -

द्विदिबंधद्वाणपरुवणा णिसेयपरुवणा आबाधाकंडयपरुवणा अप्पाबहुए त्ति ।

द्विदिबंधद्वाणपरुवणादाए सव्वत्थोवा सुहुमेइंदियअपज्जत्तयस्स द्विदिबंधद्वाणाणि ।

बादरेइंदियअपज्जत्तयस्स द्विदिबंधद्वाणाणि संखेज्जगुणाणि ।

सुहुमेइंदियअपज्जत्तयस्स द्विदिबंधद्वाणाणि संखेज्जगुणाणि ।

बादरेइंदियपज्जत्तयस्स द्विदिबंधद्वाणाणि संखेज्जगुणाणि ।

बीइंदियअपज्जत्तयद्विदिबंधद्वाणाणि संखेज्जगुणाणि ।

तस्सेव अपज्जत्तयस्स द्विदिबंधद्वाणाणि संखेज्जगुणाणि ।

तीइंदियअपज्जत्तयस्स द्विदिबंधद्वाणाणि संखेज्जगुणाणि ।

तस्सेव पज्जत्तयस्स द्विदिबंधद्वाणाणि संखेज्जगुणाणि ।

चउरिंदियअपज्जत्तयस्स द्विदिबंधद्वाणाणि संखेज्जगुणाणि ।

तस्सेव पज्जत्तयस्स द्विदिबंधद्वाणाणि संखेज्जगुणाणि ।

असण्णिपंचिंदियअपज्जत्तयस्स द्विदिबंधद्वाणाणि संखेज्जगुणाणि ।

तस्सेव पज्जत्तयस्स द्विदिबंधद्वाणाणि संखेज्जगुणाणि ।

सण्णिपंचिंदियअपज्जत्तयस्स द्विदिबंधद्वाणाणि संखेज्जगुणाणि ।

तस्सेव पज्जत्तयस्स द्विदिबंधद्वाणाणि संखेज्जगुणाणि ।

सव्वत्थोवा सुहुमेइंदियअपज्जत्तयस्स संकिलेसविसोहिद्वाणाणि ।

बादरेइंदियअपज्जत्तयस्स संकिलेसविसोहिद्वाणाणि असंखेज्जगुणाणि ।

सुहुमेइंदिय पज्जत्तयस्स संकिलेसविसोहिद्वाणाणि असंखेज्जगुणाणि ।

बादरेइंदियपज्जत्तयस्स संकिलेसविसोहिद्वाणाणि असंखेज्जगुणाणि ।

बीइंदियअपज्जत्तयस्स संकिलेसविसोहिद्वाणाणि असंखेज्जगुणाणि ।

बीइंदियपज्जत्तयस्स संकिलेसविसोहिद्वाणाणि असंखेज्जगुणाणि ।

तीइंदियअपज्जत्तयस्स संकिलेसविसोहिद्वाणाणि असंखेज्जगुणाणि ।

तीइंदियपज्जत्तयस्स संकिलेसविसोहिद्वाणाणि असंखेज्जगुणाणि ।

असण्णिपंचिंदियपज्जत्तयस्स जहण्णओ द्विदिबंधो संखेज्जगुणो ।

तस्सेव अपज्जत्तयस्स जहण्णओ द्विदिबंधो विसेसाहिओ ।

तस्सेव अपज्जत्तयस्स उक्कस्सओ द्विदिबंधो विसेसाहिओ ।

सुहुमेइंदियपज्जत्तयस्स उक्कस्सओ द्विदिबंधो विसेसाहिओ ।

संजदस्स उक्कस्सओ द्विदिबंधो विसेसाहिओ ।

संजदासंजदस्स जहण्णओ द्विदिबंधो संखेज्जगुणो ।

तस्सेव उक्कस्सओ द्विदिबंधो संखेज्जगुणो ।

असंजदसम्मादिद्विपज्जत्तयस्स जहण्णओ द्विदिबंधो संखेज्जगुणो ।

तस्सेव अपज्जत्तयस्स जहण्णओ द्विदिबंधो संखेज्जगुणो ।

तस्सेव अपज्जत्तयस्स उक्कस्सओ द्विदिबंधो संखेज्जगुणो ।

तस्सेव पज्जत्तयस्स उक्कस्सओ द्विदिबंधो संखेज्जगुणो ।

सण्णिमिच्छाइद्विपंचिंदियपज्जत्तयस्स जहण्णओ द्विदिबंधो संखेज्जगुणो ।

तस्सेव अपज्जत्तयस्स जहण्णओ द्विदिबंधो संखेज्जगुणो ।

तस्सेव अपज्जत्तयस्स उक्कस्सओ द्विदिबंधो संखेज्जगुणो ।

तस्सेव अपज्जत्तयस्स उक्कस्सओ द्विदिबंधो संखेज्जगुणो ।

णिसेयपरूवणदाए तत्थ इमाणि दुवे अणुयोगद्वाराणि अणंतरोवणिधा परंपरोवणिधा ।

अणंतरोवणिधाए पंचिंदियाणं सण्णीणं मिच्छाइद्वीणं पज्जत्तयाणं णाणावरणीय-दंसणावरणीय-

वेयणीय-अंतराइयाणं तिण्णिण वाससहस्साणि आबाधं मोत्तूण जं पढमसमए पदेसग्गं णिसित्तं तं

बहुगं, जं बिदियसमए पदेसग्गं णिसित्तं तं विसेसहीणं, जं तदियसमए पदेसग्गं णिसित्तं तं

विसेसहीणं, एवं विसेसहीणं, एवं विसेसहीणं जाव उक्कस्सेण तीसं सागरोवमकोडीयो त्ति ।

पंचिंदियाणं सण्णीणं मिच्छाइद्वीणं पज्जत्तयाणं मोहणीयस्स सत्तवाससहस्साणि आबाहं मोत्तूण जं

पढमसमए पदेसग्गं णिसित्तं तं बहुअं, जं बिदियसमए पदेसग्गं णिसित्तं तं विसेसहीणं जं

तदियसमए पदेसग्गं णिसित्तं तं विसेसहीणं, एवं विसेसहीणं विसेसहीणं जाव उक्कस्सेण

सत्तरिसागरोवम कोडाकोडि त्ति ।

पंचिंदियाणं सण्णीणं सम्मादिद्वीणं वा मिच्छादिद्वीणं वा पज्जत्तयाणमाउअस्स

पुव्वकोडितिभागमाबाधं मोत्तूण जं पढमसमए पदेसग्गं णिसित्तं तं बहुगं, जं बिदियसमए पदेसग्गं

णिसित्तं तं विसेसहीणं, जं तदियसमए पदेसग्गं णिसित्तं तं विसेसहीणं, एवं विसेसहीणं
विसेसहीणं जाव उक्कस्सेण तेत्तीसागरोवमाणि त्ति ।

पंचिंदियाणं सण्णीणं मिच्छाइट्ठीणं पज्जत्तयाणं णामा-गोदाणं बेवाससहस्साणि आबाधं मोत्तूण
पढमसमए पदेसग्गं णिसित्तं तं बहुगं, जं बिदियसमए पदेसग्गं णिसित्तं तं विसेसहीणं, जं
तदियसमए पदेसग्गं तं विसेसहीणं, एवं विसेसहीणं विसेसहीणं जाव उक्कस्सेण बीसं
सागरोवमकोडाकोडीयो त्ति ।

पंचिंदियाणं सण्णीणं मिच्छाइट्ठीणमपज्जत्तयाणं सत्तण्णं कम्माणमाउववज्जाणमंतोमुहुत्तमाबाधं
मोत्तूण जं पढमाए पदेसग्गं णिसित्तं तं बहुगं, जं बिदियसमए पदेसग्गं तं विसेसहीणं, जं
तदियसमए पदेसग्गं णिसित्तं तं विसेसहीणं, एवं विसेसहीणं विसेसहीणं जाव उक्कस्सेण
अंतोकोडाकोडीयो त्ति ।

पंचिंदियाणं सण्णीणमसण्णीणं चउरिंदिय-तीइंदिय-बीइंदियाणं बादरेइंदियअपज्जत्तयाणं
सुहुमेइंदियपज्जत्तापज्जत्ताणमाउअस्स अंतोमुहुत्तमाबाधं मोत्तूण जं पढमसमए पदेसग्गं णिसित्तं
तं बहुअं, जं बिदियसमए पदेसग्गं णिसित्तं तं विसेसहीणं, जं तदियसमए पदेसग्गं णिसित्तं तं
विसेसहीणं, एवं विसेसहीणं विसेसहीणं जाव उक्कस्सेण पुव्वकोडियो त्ति ।

पंचिंदियाणमसण्णीणं चउरिंदियाणं तीइंदियाणं बीइंदियाणं बादरएइंदियपज्जत्तयाणं सत्तण्णं
कम्माणं आउअवज्जाणं अंतोमुहुत्तमाबाधं मोत्तूण जं पढमसमए पदेसग्गं णिसित्तं तं बहुअं, जं
बिदियसमए पदेसग्गं णिसित्तं तं विसेसहीणं, जं तदियसमए पदेसग्गं णिसित्तं तं विसेसहीणं, एवं
विसेसहीणं विसेसहीणं जाव उक्कस्सेण सागरोवमसहस्सं सागरोवमसदस्स सागरोवमपण्णासाए
सागरोवमपणुवीसाए सागरोवमस्स तिण्णि-सत्तभागा सत्त-सत्तभागा बे-सत्तभागा पडिवुण्णा त्ति ।
पंचिंदियाणमसण्णीणं चउरिंदियाणं तीइंदियाणं बीइंदियाणं बादरएइंदियपज्जत्तयाणमाउअस्स
पुव्वकोडितिभागं बेमासं सोलसरादिंदियाणि सादिरेयाणि चत्तारिवासाणि सत्तवाससहस्साणि
सादिरेयाणि आबाहं मोत्तूण जं पढमसमए पदेसग्गं णिसित्तं तं बहुगं, जं बिदियसमए पदेसग्गं
णिसित्तं तं विसेसहीणं, जं तदियसमए पदेसग्गं णिसित्तं तं विसेसहीणं, एवं विसेसहीणं
विसेसहीणं जाव उक्कस्सेण पलिदोवमस्स असंखेज्जदिभागो पुव्वकोडि त्ति ।

पंचिंदियमसण्णीणं चउरिंदियाणं तीइंदियाणं बीइंदियाणं बादरेइंदियअपज्जत्तयाणं
सुहुमेइंदियपज्जत्तअपज्जत्तयाणं सत्तण्हं कम्माणमाउववज्जाणमंतोमुहुत्तमाबाधं मोत्तूण जं
पढमसमए पदेसग्गं णिसित्तं तं बहुगं, जं बिदियसमए पदेसग्गं णिसित्तं तं विसेसहीणं, जं

तदियसमए पदेसगं णिसित्तं तं विसेसहीणं, एवं विसेसहीणं विसेसहीणं जाव उक्कस्सेण सागरोवमसदस्स सागरोवमपण्णासाए सागरोवमपणुवीसाए सागरोवमस्स तिण्णि-सत्तभागा, सत्त-सत्तभागा, बे-सत्तभागा, पलिदोवमस्स संखेज्जदिभागेण ऊणया पलिदोवमस्स असंखेज्जदिभागेण ऊणया ति ।

परंपरोवणिधाए पंचिंदियाणं सण्णीणमसण्णीणं पज्जत्तयाणं अट्ठणं कम्माणं जं पढमसमए पदेसगं तदो पलिदोवमस्स असंखेज्जदिभागं गंतूण दुगुणहीणा, एवं दुगुणहीणा दुगुणहीणा जाव उक्कस्सिया द्विदि ति ।

एयपदेसगुणहाणिट्ठाणंतरं असंखेज्जाणि पलिदोवमवग्गमूलाणि ।

णाणोपदेसगुणहाणट्ठाणंतराणि पलिदोवमवग्गमूलस्स असंखेज्जदिभागो ।

णाणापदेसगुणहाणिट्ठाणंतराणि थोवाणि ।

एयपदेसगुणहाणिट्ठाणंतरमसंखेज्जगुणं ।

पंचिंदियाणं सण्णीणमसण्णीणमपज्जत्तयाणं चउरिंदिय-तीइंदिय-एइंदिय-बादर-सुहुमपज्जत्तापज्जत्तयाणं सत्तणं कम्माणमाउववज्जाणं जं पढमसमए पदेसगं तदो पलिदोवमस्स असंखेज्जदिभागं गंतूण दुगुणहीणा, एवं दुगुणहीणा दुगुणहीणा जाव उक्कस्सिया द्विदि ति ।

एयपदेसगुणहाणिट्ठाणंतरमसंखेज्जाणि पलिदोवमवग्गमूलाणि ।

णाणापदेसगुणहाणट्ठाणंतराणि पलिदोवमवग्गमूलस्स असंखेज्जदिभागो ।

णाणापदेसगुणहाणिट्ठाणंतराणि थोवाणि ।

एयपदेसगुणहाणिट्ठाणंतरमसंखेज्जगुणं ।

आबाधाकंडयपरूवणदाए ।

पंचिंदियाणं सण्णीणमसण्णीणं चउरिंदियाणं तीइंदियाणं बीइंदियाणं एइंदियबादर-सुहुमपज्जत्त-अपज्जत्तयाणं सत्तणं कम्माणमाउवज्जाणमुक्कस्सियादो द्विदीदो समए समए पलिदोवमस्स असंखेज्जदिभागमेत्तमोसरिदूण एयमाबाहाकंडयं करदि । एस कमो जाव जहणिया द्विदि ति । अप्पाबहुए ति ।

पंचिंदियाणं सण्णीणं मिच्छाइट्ठीणं पज्जत्तापज्जत्ताणं सत्तणं कम्माणमाउववज्जाणं सव्वत्थोवा जहणिया आबाहा ।

आबाहाट्ठाणाणि आबाहाकंडयाणि च दो वि तुल्लाणि संखेज्जगुणाणि ।

उक्कस्सिया आबाहा विसेसाहिया ।

णाणापदेसगुणहाणिट्ठाणंतराणि असंखेज्जगुणाणि ।

एयपदेसगुणहाणिट्ठाणंतरमसंखेज्जगुणं ।

एयमाबाहाकंडयमसंखेज्जगुणं ।

जहण्णओ द्विदिबंधो असंखेज्जगुणो ।

द्विदिबंधट्ठाणाणि संखेज्जगुणाणि ।

उक्कस्सओ द्विदिबंधो विसेसाहिओ ।

पंचिंदियाणं सण्णीमसण्णीणं पज्जत्तयाणमाउअस्स सव्वत्थोवा जहण्णिया आबाहा ।

जहण्णओ द्विदिबंधो संखेज्जगुणो ।

आबाहाट्ठाणाणि संखेज्जगुणाणि ।

उक्कस्सिया आबाहा विसेसाहिया ।

णाणापदेसगुणहाणिट्ठाणंतराणि असंखेज्जगुणाणि ।

एयपदेसगुणहाणिट्ठाणंतरमसंखेज्जगुणं ।

द्विदिबंधट्ठाणाणि असंखेज्जगुणाणि ।

उक्कस्सओ द्विदिबंधो विसेसाहिओ ।

पंचिंदियाणं सण्णीणमसण्णीणमपज्जत्तयाणं चउरिंदियाणं तीइंदियाणं बीइंदियाणं एइंदियबादर-

सुहुमापज्जत्तापज्जत्तयाणमाउअस्स सव्वत्थोवा जहण्णिया आबाहा ।

जहण्णओ द्विदिबंधो संखेज्जगुणो ।

आबाहाट्ठाणाणि संखेज्जगुणाणि ।

उक्कस्सिया आबाहा विसेसाहिया ।

द्विदिबंधट्ठाणाणि संखेज्जगुणाणि ।

उक्कस्सओ द्विदिबंधो विसेसाहिओ ।

पंचिंदियाणमसण्णीणं चउरिंदियाणं तीइंदियाणं पज्जत्त-अपज्जत्तयाणं सत्तण्णं कम्माणं

आउववज्जाणमाबाहाट्ठाणाणि आबाहाकंडयाणि च दो वि तुल्लाणि थोवाणि ।

जहण्णिया आबाहा संखेज्जगुणा ।

उक्कस्सिया आबाहा विसेसाहिया ।

णाणापदेसगुणहाणिट्ठाणंतराणि असंखेज्जगुणाणि ।

एयपदेसगुणहाणिद्वाणंतरमसंखेज्जगुणं ।

एयमाबाहाकंडयमसंखेज्जगुणं ।

द्विदिबंधद्वाणाणि असंखेज्जगुणाणि ।

जहण्णओ द्विदिबंधो संखेज्जगुणो ।

उक्कस्सओ द्विदिबंधो विसेसाहिओ ।

एइंदियबादर-सुहुम-पज्जत्त-अपज्जत्तयाणं सत्तण्हं कम्माणं आउववज्जाणमाबाहाद्वाणाणि

आबाहाकंडयाणि च दो वि तुल्लाणि थोवाणि ।

जहण्णिया आबाहा असंखेज्जगुणा ।

उक्कस्सिया आबाहा विसेसाहिया ।

णाणापदेसगुणहाणिद्वाणंतराणि असंखेज्जगुणाणि ।

एयपदेसगुणहाणिद्वाणंतरमसंखेज्जगुणं ।

एयमाबाहाकंडयमसंखेज्जगुणं ।

द्विदिबंधद्वाणाणि असंखेज्जगुणाणि ।

जहण्णओ द्विदिबंधो असंखेज्जगुणो ।

उक्कस्सओ द्विदिबंधो विसेसाहिओ ।

बिदिया चूलिया

द्विदिबंधज्झवसाणपरुवणदाए तत्थ इमाणि तिण्णिण अणुओगद्वाराणि जीवसमुदाहारो

पयडिसमुदाहारो द्विदिसमुदाहारो त्ति ।

जीवसमुदाहारे त्ति जे ते णाणावरणीयस्स बंधा जीवा ते दुविहा -- सादबंधा चेव असादबंधा चेव ।

तत्थ जे ते सादबंधा जीवा ते त्तिविहा चउद्वाणबंधा तिद्वाणबंधा बिद्वाणबंधा ।

असादबंधा जीवा त्तिविहा -- बिद्वाणबंधा तिद्वाणबंधा चउद्वाणबंधा त्ति ।

सव्वविसुद्धा सादस्स चउद्वाणबंधा जीवा ।

तिद्वाणबंधा जीवा संकिलिद्धदरा ।

बिद्वाणबंधा जीवा संकिलिद्धदरा ।

सव्वविसुद्धा असादस्स बिद्वाणबंधा जीवा ।

तिद्वाणबंधा जीवा संकिलिद्धदरा ।

चउद्वाणबंधा जीवा संकिलिद्धदरा ।

सादस्स चउट्टाणबंधा जीवा णाणावरणीयस्स जहण्णियं द्विदिं बंधंति ।
 सादस्स तिट्ठाणबंधा जीवा णाणावरणीयस्स अजहण्ण-अणुक्कस्सियं ठिदिं बंधंति ।
 सादस्स बिट्ठाणबंधा जीवा सादस्स चेव उक्कस्सियं द्विदिं बंधंति ।
 असादस्स बिट्ठाणबंधा जीवा सत्थाणेण णाणावरणीयस्स जहण्णियं द्विदिं बंधंति ।
 असादस्स तिट्ठाणबंधा जीवा णाणावरणीयस्स अजहण्णअणुक्कस्सियं द्विदिं बंधंति ।
 असादस्स चउट्टाणबंधा जीवा असादस्स चेव उक्कस्सियं द्विदिं बंधंति ।
 तेसिं दुविहा सेडिपरूवणा अणंतरोवणिधा परंपरोवणिधा ।
 अणंतरोवणिधाए सादस्स चउट्टाणबंधा तिट्ठाणबंधा जीवा असादस्स बिट्ठाणबंधा तिट्ठाणबंधा जीवा
 णाणावरणीयस्स जहण्णियाए द्विदीए जीवा थोवा ।
 बिदियाए द्विदीए जीवा विसेसाहिया ।
 तदियाए द्विदीए जीवा विसेसाहिया ।ओ
 एवं विसेसाहिया विसेसाहिया जाव सागरोवमसदपुधत्तं ।
 तेण परं विसेसहीणा विसेसहीणा जाव सागरोवमसदपुधत्तं ।
 सादस्स बिट्ठाणबंधा जीवा असादस्स चउट्टाणबंधा जीवा णाणावरणीयस्स जहण्णियाए द्विदीए
 जीवा थोवा ।
 बिदियाए द्विदीए जीवा विसेसाहिया ।
 तदियाए द्विदीए जीवा विसेसाहिया ।
 एवं विसेसाहिया विसेसाहिया जाव सागरोवमसदपुधत्तं ।
 तेण परं विसेसहीणा विसेसहीणा जाव सादस्स असादस्स उक्कस्सिया द्विदि ति ।
 परंपरोवणिधाए सादस्स चउट्टाणबंधा तिट्ठाणबंधा जीवा असादस्स बिट्ठाणबंधा, तिट्ठाणबंधा
 णाणावरणीयस्स जहण्णियाए द्विदीए जीवेहिंतो तदो पलिदोवमस्स असंखेज्जदिभागं गंतूण
 दुगुणवट्ठिदा ।
 एवं दुगुणवट्ठिदा दुगुणवट्ठिदा जाव जवमज्झं ।
 तेण परं पलिदोवमस्स असंखेज्जदिभागं गंतूण दुगुणहीणा ।
 एवं दुगुणहीणा दुगुणहीणा जाव सागरोवमसदपुधत्तं ।
 सादस्स बिट्ठाणबंधा जीवा असादस्स चउट्टाणबंधा जीवा णाणावरणीयस्स जहण्णियाए द्विदीए
 जीवेहिंतो तदो पलिदोवमस्स असंखेज्जदिभागं गंतूण दुगुणवट्ठिदा ।

एवं दुगुणवद्धिदा दुगुणवद्धिदा जाव सागरोवमसदपुधत्तं ।
 तेण परं पलिदोवमस्स असंखेज्जदिभागं गंतूण दुगुणहीणा ।
 एवं दुगुणहीणा दुगुणहीणा जाव सादस्स असादस्स उक्कस्सिया द्विदि त्ति ।
 एगजीव-दुगुणवद्धि-हाणट्टाणंतरमसंखेज्जाणि पलिदोवमवग्गमूलाणि ।
 णाणाजीव-दुगुणवद्धि-हाणिट-ट्टाणंतराणि पलिदोवमवग्गमूलस्स असंखेज्जदिभागो ।
 णाणाजीव-दुगुणवद्धि-हाणट्टाणंतराणि थोवाणि ।
 एगजीव-दुगुणवद्धि-हाणट्टाणंतरमसंखेज्जगुणं ।
 सादस्स असादस्स य बिट्ठाणयम्मि णियमा अणागारपाओग्गट्टाणाणि ।
 सागारपाओग्गट्टाणाणि सब्वत्थ ।
 सादस्स चउट्टाणियजवमज्झस्स हेट्टदो ट्टाणाणि थोवाणि ।
 उवरि संखेज्जगुणाणि ।
 सादस्स तिट्टाणियजवमज्झस्स हेट्टदो ट्टाणाणि संखेज्जगुणाणि ।
 उवरि संखेज्जगुणाणि ।
 सादस्स बिट्ठाणियजवमज्झस्स हेट्टदो एयंतसागारपाओग्गट्टाणाणि संखेज्जगुणाणि ।
 मिस्सयाणि संखेज्जगुणाणि ।
 सादस्स चेव बिट्ठाणियजवमज्झस्स उवरि मिस्सयाणि संखेज्जगुणाणि ।
 असादस्स बिट्ठाणियजवमज्झस्स हेट्टदो एयंतसायारपाओग्गट्टाणाणि संखेज्जगुणाणि ।
 मिस्सयाणि संखेज्जगुणाणि ।
 असादस्स चेव बिट्ठाणियजवमज्झस्सुवरि मिस्सयाणि संखेज्जगुणाणि ।
 एयंतासायारपाओग्गट्टाणाणि संखेज्जगुणाणि ।
 असादस्स तिट्टाणियजवमज्झस्स हेट्टदो ट्टाणाणि संखेज्जगुणाणि ।
 उवरि संखेज्जगुणाणि ।
 असादस्स चउट्टाणियजवमज्झस्स हेट्टदो ट्टाणाणि संखेज्जगुणाणि ।
 सादस्स जहण्णओ द्विदिबंधो संखेज्जगुणो ।
 जट्टिदिबंधो विसेसाहिओ ।
 असादस्स जहण्णओ द्विदिबंधो विसेसाहिओ ।
 जट्टिदिबंधो विसेसाहिओ ।

जत्तो उक्कस्सयं दाहं गच्छदि सा द्विदी संखेज्जगुणा ।
 अंतोकोडाकोडी संखेज्जगुणा ।
 सादस्स बिद्धानियजवमज्झस्स उवरि एयंतसायारपाओग्गद्धानाणि संखेज्जगुणाणि ।
 सादस्स उक्कस्सओ द्विदिबंधो विसेसाहिओ ।
 जद्विदिबंधो विसेसाहिओ ।
 दाहद्विदी विसेसाहिया ।
 असादस्स चउद्धानियजवमज्झस्स उवरिमद्धानाणि विसेसाहियाणि ।
 असादस्स उक्कस्सद्विदिबंधो विसेसाहिओ ।
 जद्विदिबंधो विसेसाहिओ ।
 एदेण अद्दपदेण सव्वत्थोवा सादस्स चउद्धानबंधा जीवा ।
 तिद्धानबंधा जीवा संखेज्जगुणा ।
 बिद्धानबंधा जीवा संखेज्जगुणा ।
 असादस्स बिद्धानबंधा जीवा संखेज्जगुणा ।
 चउद्धानबंधा जीवा संखेज्जगुणा ।
 तिद्धानबंधा जीवा विसेसाहिया ।
 पयडिसमुदाहारे ति तत्थ इमाणि दुवे अणुयोगद्वाराणि पमाणाणुगमो अप्पाबहुए ति ।
 पमाणाणुगमे णाणावरणीयस्स असंखेज्जा लोगा द्विदिबंधज्झवसाणद्धानाणि ।
 एवं सत्तण्णं कम्माणं ।
 अप्पाबहुए ति सव्वत्थोवा आउअस्स द्विदिबंधज्झवसाणद्धानाणि ।
 णामा-गोदाणं द्विदिबंधज्झवसाणद्धानाणि दो वि तुल्लाणि असंखेज्जगुणाणि ।
 णाणावरणीय-दंसणावरणीय-वेयणीय-अंतराइयाणं द्विदिबंधज्झवसाणद्धानाणि चत्तारि वि तुल्लाणि
 असंखेज्जगुणाणि ।
 मोहणीयस्स द्विदिबंधज्झवसाणद्धानाणि असंखेज्जगुणाणि ।
 द्विदिसमुदाहारे ति इत्थ इमाणि तिण्णिण अणुयोगद्वाराणि पगणणा अणुक्कड्डी तिक्व-मंददा ति ।
 पगणणाए णाणावरणीयस्स जहणियाए द्विदीए द्विदिबंधज्झवसाणद्धानाणि असंखेज्जा लोगा ।
 बिदियाए द्विदीए द्विदिबंधज्झवसाणद्धानाणि असंखेज्जा लोगा ।
 तदियाए द्विदीए द्विदिबंधज्झवसाणद्धानाणि असंखेज्जा लोगा ।

एवमसंखेज्जा लोगा असंखेज्जा लोगा जाव उक्कस्सट्ठिदि ति ।

एवं सत्तण्णं कम्माणं ।

तेसिं दुविधा सेडिपरुवणा अणंतरोवणिधा परंपरोवणिधा ।

अणंतरोवणिधाए णाणावरणीयस्स जहणियाए ट्ठिदीए ट्ठिदिबंधज्झवसाणट्ठाणाणि थोवाणि ।

बिदियाए ट्ठिदीए ट्ठिदिबंधज्झवसाणट्ठाणाणि विसेसाहियाणि ।

तदियाए (ट्ठिदीए) ट्ठिदिबंधज्झवसाणट्ठाणाणि विसेसाहियाणि ।

एवं विसेसाहियाणि विसेसाहियाणि जाव उक्कस्सिया ट्ठिदि ति ।

एवं छण्णं कम्माणं ।

आउअस्स जहणियाए ट्ठिदीए ट्ठिदिबंधज्झवसाणट्ठाणाणि थोवाणि ।

बिदियाए ट्ठिदिबंधज्झवसाणट्ठाणाणि असंखेज्जगुणाणि ।

तदियाए ट्ठिदीए ट्ठिदिबंधज्झवसाणट्ठाणाणि असंखेज्जगुणाणि ।

एवमसंखेज्जगुणाणि असंखेज्जगुणाणि जाव उक्कस्सिया ट्ठिदि ति ।

परंपरोवणिधाए णाणावरणीयस्स जहणियाए ट्ठिदीए ट्ठिदिबंधज्झवसाणट्ठाणेहिंतो तदो

पलिदोवमस्स असंखेज्जदिभागं गंतूण दुगुणवट्ठिदा ।

एवं दुगुणवट्ठिदा दुगुणवट्ठिदा जाव उक्कस्सिया ट्ठिदि ति ।

एवं ट्ठिदिबंधज्झवसाण-दुगुणवट्ठिदाणंतराणि पलिदोवमस्स असंखेज्जदिभागो ।

णाणाट्ठिदिबंधज्झवसाणदुगुणवट्ठिदाणिट्ठाणंतराणि अंगुलवग्गमूलछेदणाणमसंखेज्ज-दिभागो ।

णाणाट्ठिदिबंधज्झवसाणदुगुणवट्ठिदाणंतराणि थोवाणि ।

एयट्ठिदिबंधज्झवसाणदुगुणवट्ठिमणंतरमसंखेज्जगुणं ।

एवं छण्णं कम्माणमाउववज्जाणं ।

अणुक्कट्ठीए णाणावरणीयस्स जहणियाए ट्ठिदीए जाणि ट्ठिदिबंधज्झवसाणट्ठाणाणि ताणि

बिदियाए ट्ठिदीए बंधज्झवसाणट्ठाणाणि अपुव्वाणि ।

एवमपुव्वाणि अपुव्वाणि जाव उक्कस्सिया ट्ठिदि ति ।

एवं सत्तण्णं कम्माणं ।

तिव्वमंददाए णाणावरणीयस्स जहणियाए ट्ठिदीए जहणयं ट्ठिदिबंधज्झवसाणट्ठाणं

सव्वमंदाणुभागं ।

तिस्से चेव उक्कस्समणंतगुणं ।

बिदियाए द्विदीए जहण्णयं द्विदिबंधज्झवसाणट्टाणमणंतगुणं ।

तिस्से चेव उक्कस्समणंतगुणं ।

तदियाए द्विदीए जहण्णयं द्विदिबंधज्झवसाणट्टाणमणंतगुणं ।

तिस्से चेव उक्कस्समणंतगुणं ।

एवमणंतगुणं जाव उक्कस्सद्विदि ति ।

एवं सत्तण्णं कम्माणं ।

२ अवतरण-गाथा-सूची

क्रमसंख्या	गाथा	अन्यत्र कहाँ
	वेदना-क्षेत्रविधान	
१	अवगयणिवारणट्टं	प्रमाणवार्तिक ४-१९०, पंचा. १९०
	वेदना कालविधान	
५	अच्छेदनस्य राशेः	पंचा. १०१
८	अयोगअपरैर्योग	गो. जी. ५६९
४	कालो ति य ववएसो	ष. खं. पु. पृ. १५८, पु. १० पृ. ४८५
१	कालो परिणामभवो	गो. ५८८
२	ण य परिणमइ सयं सो	
६	प्रओक्षेपकसंक्षेपेण	
३	लोगागासपदेसे	
७	विशेषणविशेषाभ्याम्	

३ ग्रन्थोल्लेख

१. छेदसूत्र

१. ण च दव्विथि-णवुंसयवेदाणं चेलादिचागो अत्थि, छेदसुत्तेण सह विरोहादो ।

२ तत्त्वार्थसूत्र

१ ण च पुव्वसद्दो कारणत्थभावेण अप्पसिद्धो, 'मदिपुव्वं सुदं' (विशेषा १०५) इच्चेत्थ कारणे
वट्टमाणपुव्वसहुवलंभादो ।

३ प्रदेशविरचितअल्पबहुत्व

तं कधं णव्वदे ? चरिमगुणहाणिदव्वादो पढमणिसेयो असंखेज्जगुणो ति
पदेसविरहियअप्पाबहुगादो ।

४ मूलाचार

ण च तेण सह बंधो, आपंचमी ति सिंहा इत्थीओ जंति छट्ठिपुढवि ति । (१२-११३)
ण च देवाणं उक्कस्साउअं दव्विथिवेदेण सह बज्झइ, णियमा णिग्गंथलिंणेण । (१२-१३४)

संतकम्मपाहुड

संतकम्मपाहुडे पुण णिगोदेसु उप्पाइदो ।

अनिर्दिष्टनाम

१ 'अद्धे शून्यं रूपेषु गुणम्' इति गणितन्याये जं लद्धं तं ठविय
'रुवोनमादिसंगुणमेकोनगुणोन्मथितमिच्छा' एदेण रूवूणं कारुण --- सव्वज्झवसाणपमाणं होदि ।

पारिभाषिक शब्द-सूची

अ		
अकर्मभूमि	अचित्तकाल	अत्यन्तायोगव्यवच्छेद
अद्धाकाल	अनन्तगुणवृद्धि	अनन्तभागवृद्ध
अनन्तरोपनिधा	अनुत्कृष्टि	अन्धकाकलेश्या
अन्ययोगव्यवच्छेद	अप्रधानकाल	अयोगव्यवच्छेद
अलोक	अवगाहनादण्डक	अव्वोगाढअल्पबहुत्व
असंख्यातगुणवृद्धि	असंख्यातभागवृद्धि	असंख्येयवर्षायुष्क

असातबन्धक		
आ		
आगमभावकाल	आगमभावक्षेत्र	आगमभावजघन्य
आदेश उत्कृष्ट	आदेश जघन्य	आदेशतः काल जघन्य
आबाधा	आबाधा काण्डक	आबाधा स्थान
उ		
उत्कृष्ट दाह	उत्कृष्ट स्थितिसंक्लेश	
ए		
एकस्थान		
ओ		
ओघ उत्कृष्ट	ओघ जघन्य	
क		
कर्मक्षेत्र उत्कृष्ट	कर्मक्षेत्र जघन्य	कर्मभूमिप्रतिभाग
काकलेश्या	काक जघन्य	कालतः उत्कृष्ट
क्षेत्र	क्षेत्र जघन्य	क्षेत्रतः आदेश जघन्य
ख		
खगचर		
च		
चतुर्थ स्थान	चतुर्थस्थान अनुभागबन्ध	ततुःस्थान बन्धक
चूलिका		
छ		
छेदगुणहार	छेदभागहार	
ज		
जघन्यबन्ध	जघन्यस्थिति	ज-स्थितिबन्ध
जलचर	ज्ञानोपयोग	
त		
तृतीय स्थान	त्रिस्थान बन्धक	

द	दाह	दाहस्थिति
दर्शनोपयोग	द्रव्य जघन्य	द्रव्य आदेश जघन्य
द्रव्य उत्कृष्ट	द्विस्थान बन्धक	
द्वितीय स्थान		
ध		
ध्रुवस्थिति		
न	निषेक	नोआगमभावकाल
निर्वर्गणा काण्डक	नोआगमभावजघन्य	नोकर्मक्षेत्र उत्कृष्ट
नोआगम भावक्षेत्र		
नोकर्मक्षेत्र जघन्य		
प	परम्परोपनिधा	प्रधानद्रव्यकाल
पञ्जिका		
प्रमाणकाल		
भ	भावतः आदेशजघन्य	भावतः उत्कृष्ट
भावजघन्य		
ल	लोक	लोकोत्तरसमाचारकाल
लब्धमत्स्य		
लोकिकसमाचारकाल		
व	विशुद्धता	विशुद्धि
विग्रह	वीचारस्थान	वेदना
विशुद्धिस्थान	वेदनाक्षेत्रविधान	वेदनासमुद्घात
वेदना		
स	समभागहार	समाचारकाल
सचित्तकाल	संकलेश	संकलेशस्थान
समुदाहार	संख्यातभागवृद्धि	संख्येयवर्षायुष्क
संख्यातगुणवृद्धि	सिक्थमत्स्य	स्थलचर
सातबन्धक		

स्थितिबन्धस्थान	स्थितिबन्धाध्यवसान	स्वस्थान जघन्य स्थिति